

**«Астана» халықаралық  
қаржы орталығы**



**Қазақстан Республикасы  
Қаржы министрлігінің  
Мемлекеттік кірістер комитеті**

2018 жылғы «29» 06  
№ 61  
Астана қаласы

2018 жылғы «02» 07  
№ 289  
Астана қаласы

## **БІРЛЕСКЕН БҰЙРЫҚ**

### **№ 2 Арнайы ережені бекіту туралы**

«Астана» халықаралық қаржы орталығы туралы» Қазақстан Республикасының 2015 жылғы 7 желтоқсандағы Конституциялық заңының 6-бабының 9-тармағына сәйкес және «Астана» халықаралық қаржы орталығы Басқарушысының 2017 жылғы 22 желтоқсандағы № 48 және Қазақстан Республикасы Қаржы министрлігінің Мемлекеттік кірістер комитеті Төрағасының 2017 жылғы 29 желтоқсандағы № 596 бірлескен бұйрығымен бекітілген Салықтық әкімшілендіру және мемлекеттік кірістер органдарының «Астана» халықаралық қаржы орталығының органдары және қатысушыларымен салық салу мәселелері бойынша өзара іс-қимыл қағидаларының 11-тармағына сәйкес **БҰЙЫРАМЫЗ:**

1. Осы бұйрыққа қосымшаға сәйкес қоса беріліп отырған № 2 Арнайы ереже («Астана» халықаралық қаржы орталығының қатысушыларына арналған корпоративтік табыс салығы мен қосылған құн салығы бойынша салықтық тіркелімдер бойынша арнайы ереже) бекітілсін.

2. Осы бірлескен бұйрық оған қол қойылған және «Астана» халықаралық қаржы орталығының сайтында орналастырылған күннен бастап күшіне енеді және 2018 жылдың 1 қаңтарынан бастап туындайтын құқықтық қатынастарға қолданылады.

«Астана» халықаралық қаржы  
орталығы Басқарушысының  
2018 жылғы «29» 06 № 61  
және Қазақстан Республикасы  
Қаржы министрлігі  
Мемлекеттік кірістер комитеті  
Төрағасының  
2018 жылғы «02» 07 № 289  
бірлескен бұйрығына  
қосымша

## **№ 2 Арнайы ереже**

**(«Астана» халықаралық қаржы орталығының қатысушыларына  
арналған корпоративтік табыс салығы мен қосылған құн салығы  
бойынша салық тіркелімдері жөніндегі арнайы ереже)**

1. Осы № 2 Арнайы ереже («Астана» халықаралық қаржы орталығының қатысушыларына арналған корпоративтік табыс салығы мен қосылған құн салығы бойынша салық тіркелімдері жөніндегі арнайы ереже) «Астана» халықаралық қаржы орталығы туралы» Қазақстан Республикасының 2015 жылғы 7 желтоқсандағы Конституциялық заңының (бұдан әрі – Конституциялық заң) 6-бабы 9-тармағына сәйкес және «Астана» халықаралық қаржы орталығы Басқарушысының 2017 жылғы 22 желтоқсандағы № 48 және Қазақстан Республикасы Қаржы министрлігі Мемлекеттік кірістер комитеті Төрағасының 2017 жылғы 29 желтоқсандағы № 596 бірлескен бұйрығымен бекітілген Салықтық әкімшілендіру және мемлекеттік кіріс органдарының «Астана» халықаралық қаржы орталығының органдары және қатысушыларымен салық салу мәселелері бойынша өзара іс-қимылы қағидаларының (бұдан әрі – Салықтық әкімшілендіру қағидалары) 11-тармағына сәйкес әзірленген және «Астана» халықаралық қаржы орталығының қатысушыларына арналған корпоративтік табыс салығы мен қосылған құн салығы бойынша салық тіркелімдері нысандарын бекітеді.

2. Осы № 2 Арнайы ережеде пайдаланылатын ұғымдар мен терминдер олар Салық және бюджетке төленетін басқа да міндетті төлемдер туралы Қазақстан Республикасының Кодексінде (Салық кодексі), Салықтық әкімшілендіру қағидаларында және «Астана» халықаралық қаржы орталығы Басқарушысының 2017 жылғы 8 желтоқсандағы № 33, Қазақстан Республикасы Қаржы министрінің 2017 жылғы 11 желтоқсандағы № 711 және Қазақстан Республикасы Ұлттық экономика министрінің 2017 жылғы 12 желтоқсандағы № 405 бірлескен бұйрығымен бекітілген «Астана» халықаралық қаржы

орталығы қатысушыларының корпоративтік табыс салығынан босатылуға жататын және салық салуға жататын кірістердің, сондай-ақ шегерімге жатқызылатын шығыстардың бөлек есебін жүргізуі қағидаларында қандай мағынада пайдаланылса, сол мағынада қолданылады.

3. Орталықтың салық төлеушілері болып табылмайтын Орталықтың қатысушылары корпоративтік табыс салығы мен қосылған құн салығы бойынша салық тіркелімдерін Салық кодексінің 215-бабы 2-тармағының 1) тармақшасына сәйкес салық төлеуші бекіткен және Салық кодексінің 215-бабы 2-тармағының 2) тармақшасына сәйкес уәкілетті орган бекіткен нысандар бойынша әзірлейді.

4. Орталықтың салық төлеушілері болып табылатын Орталықтың қатысушылары корпоративтік табыс салығы бойынша салық тіркелімдерін мынадай тәсілдердің бірімен (Орталықтың қатысушысының таңдауы бойынша) бекітілген нысандар бойынша әзірлейді:

1) Салық кодексінің 215-бабы 2-тармағының 1) тармақшасына сәйкес Орталықтың қатысушысымен және Салық кодексінің 215-бабы 2-тармағының 2) тармақшасына сәйкес уәкілетті органмен;

2) осы № 2 Арнайы ереженің 1-34 қосымшаларына сәйкес және Салық кодексінің 215-бабы 2-тармағының 2) тармақшасына сәйкес уәкілетті органмен.

5. Орталықтың салық төлеушілері болып табылатын Орталықтың қатысушылары қосылған құн салығы бойынша салық тіркелімдерін Салық кодексінің 215-бабы 2-тармағының 1) тармақшасына сәйкес салық төлеуші бекіткен және Салық кодексінің 215-бабы 2-тармағының 2) тармақшасына сәйкес уәкілетті орган бекіткен нысандар бойынша әзірлейді.

6. Осы № 2 Арнайы ереженің 4-тармағында көрсетілген корпоративтік табыс салығы бойынша салық тіркелімдеріне Орталықтың салық төлеушілері болып табылатын Орталықтың қатысушылары қосымша көрсеткіштерді енгізе алады.

7. Осы № 2 Арнайы ереженің 4-тармағында көрсетілген корпоративтік табыс салығы бойынша салық тіркелімдері нысандарының құрамында Салық кодексінің 190-бабы 5-тармағында көрсетілген салық есебінің мақсаттарын қамтамасыз етуге арналған ақпаратты жинақтау және жүйелеу үшін қажетті салық тіркелімінің нысаны немесе көрсеткіш болмаған жағдайда Орталықтың салық төлеушісі болып табылатын Орталықтың қатысушысы салық тіркелімінің тиісті нысанын өзі дербес әзірлеуге және бекітуге немесе осы № 2 Арнайы ереженің 4-тармағында көрсетілген салық тіркелімі нысанын тиісті көрсеткішпен толықтыруға міндетті.

8. Осы № 2 Арнайы ереженің 4-тармағы 1) тармақшасында көрсетілген корпоративтік табыс салығы бойынша салық тіркелімдерінде негізгі қызмет бойынша тікелей кірістер, тікелей шығыстар мен жанама шығыстар көрсетілуі тиіс.

9. Осы № 2 арнайы ереженің 1-34 қосымшаларына сәйкес бекітілген корпоративтік табыс салығы бойынша салық тіркелімдерінде:

негізгі қызмет бойынша тікелей кірістер, тікелей шығыстар мен жанама шығыстар;

өзге де қызметтер бойынша өзге де кірістер, өзге де шығыстар мен тыс шығыстар көрсетілуі тиіс.